

**CONVENIO DE COLABORACIÓN ENTRE O CONCELLO DE ARBO E A
SOCIEDADE GALEGA DE MEDIO AMBIENTE PARA A REALIZACIÓN DE
OBRAS DE INTERESE PÚBLICO RELACIONADAS CO MEDIO AMBIENTE
NA CONTORNA DO CONCELLO ONDE SE INSTALARÁ UNHA PRANTA DE
TRANSFERENCIA DE RESIDUOS PARA O SERVIZO DE VARIOS
CONCELLOS**

Dunha parte, **Don Horacio Gil Expósito** con DNI núm. 34869824-F, **na súa condición de Alcalde- Presidente** do excelentísimo concello de Arbo (Pontevedra) con CIF: P3600100F.

Doutra parte, **Don Javier Domínguez Lino** con DNI núm. 35311596-H, **na súa condición de Presidente da Sociedade Galega do Medio Ambiente, S.A.** (en adiante SOGAMA) con CIF núm. A15379803, actuando en representación da sociedade mercantil pública segundo o acordo do Consello de Administración de 15 de febreiro do 2015.

As partes comparecentes recoñécense plena capacidade para o outorgamento do presente convenio de cooperación, e na súa virtude

EXPOÑEN

1. Que, ao abeiro do establecido no artigo 25 da Lei 6/2021, do 17 de febreiro, de residuos e solos contaminados de Galicia, SOGAMA ten asignada a función de xestión dos residuos urbanos a partir do momento no que son depositados nas estacións de transferencia ou plantas de tratamento previstas no Plan de Xestión de Residuos Urbanos.

2. Que o Sogama ten instalada no concello de A Cañiza unha microplanta de transferencia de residuos urbanos que da servizo a varios concellos entre os que se atopa o de Arbo. Non obstante, as microplantas, polo seu deseño, non teñen moita capacidade, o que unido a posibles avarias ou atascos, produce algunhas indispoñibilidades.
3. Conscientes disto e coa firme decisión de prestar o mellor servizo posible, Sogama adquiriu os terreos axeitados para a implantación no concello de Arbo dunha planta de transferencia nova, coas capacidades e funcionalidades necesarias para atender aos concellos usuarios dun xeito mais eficaz contribuíndo deste xeito a unha maior calidade na prestación do servizo público que presta Sogama.
4. Sogama tamén é consciente das dificultades que teñe a instalación inicial deste tipo de infraestructuras, polo rechazo social inxustificable as mesmas, polo que valora especialmente a colaboración dos concellos que as acollen, polo que Sogama estima necesario colaborar con ditos concellos na financiación de proxectos de utilidade pública de mercado carácter medioambiental, que melloren a calidade de vida dos veciños que reciben no seu concello as instalacións de xestión de residuos.
5. Así pois, o concello de Arbo, solicitou a Sogama a colaboración para a execución das obras previstas de Rede de saneamento en Ponte Cabaleiros (ctra. Autonómica PO 400 ente o P.K. 16+810 e o P.K. 17+315), segundo proxecto técnico elaborado polo enxeñeiro de camiños, canales e portos Eloy Fernández-Valdés Gómez de Membrillera.
6. Polo exposto, e baseándose no principio de cooperación recollido no artigo 3 da Lei 40/2015, do 1 de outubro, de réxime xurídico do sector público, no artigo 193 da Lei 5/1997, do 22 de xullo, da Administración

local de Galicia e do contido do artigo 25 da Lei 49/2002 de réxime fiscal das entidades sen ánimo de lucro e de incentivos ao mecenado, as partes consideran necesario e moi positivo estreitar a súa relación mediante a fórmula dun novo convenio de colaboración que contribúa a manter unha base sólida de cooperación técnica, económica, social e ambiental en beneficio do interese público e polo cal as partes:

Polo exposto, as partes acordan a sinatura do presente convenio de colaboración conforme coas seguintes:

CLÁUSULAS

Primeira.- Obxecto.

O presente convenio ten por obxecto regula-la colaboración entre o concello de Arbo e SOGAMA para a execución e financiamento das obras de execución do proxecto denominado “Rede de saneamento en Ponte Cabaleiros (ctra. Autonómica PO 400 ente o P.K. 16+810 e o P.K. 17+315)”, segundo proxecto técnico elaborado por Eloy Fernández-Valdés Gómez de Membrillera, obras que constitúen un servizo publico a poboación do concello no que se implanta a instalación de xestión de residuos titularidade de Sogama, e que terán incidencia directa na mellora do medio ambiente e a súa contorna.

Segunda.- Obrigas das partes

O concello de Arbo, vista a utilidade pública das obras obxecto do convenio, comprométese a licitación e execución das obras conforme ao proxecto presentado.

Sogama comprométese a financiar as obras ata un máximo de 150.000 euros (impostos engadidos), que serán aboados conforme o concello presente a Sociedade certificacións de obra debidamente conformadas ate o importe anterior.

O Concello comprométese a emitir a documentación necesaria de acordo ca lexislación vixente, para que SOGAMA poda acollerse aos beneficios fiscais que correspondan cas aportacións, de acordo co réxime fiscal aplicable.

Na realización das prestacións previstas no presente convenio, as partes observarán tódalas esixencias medioambientais contidas na lexislación e as esixidas pola autoridade medioambiental competente.

Terceira.- Comisión de Seguimento, Vixilancia e Control.

Constitúese unha comisión de seguimento, vixilancia e control, coas funcións xenéricas que a súa denominación indica, integrada por un representante do Concello de Arbo un representante de SOGAMA, designados polo órgano competente de cada entidade.

O funcionamento desta comisión axustarase ao disposto para os órganos colexiados establecidas na Sección 3 do Capítulo II da Lei 40/2015, de 1 de outubro de Réxime Xurídico do Sector Público.

En particular, corresponderanlle as seguintes funcións:

1. Estudar e propoñe-las modificacións ou adicións ao presente convenio que se estimen oportunas

2. Interpretar, con carácter executivo, o presente convenio, así como resolver do mesmo xeito as posibles discrepancias que xurdan na súa aplicación, sen prexuízo da posibilidade de que as partes presenten os correspondentes recursos impugnando os actos que dite a comisión no exercicio desta función

3. Informar preceptivamente os supostos de resolución e liquidación do presente convenio.

Cuarta. Vixencia do convenio

O presente convenio terá unha vixencia de 1 ano e entrará en vigor no momento do acta de inicio das obras, que deberá ser presentada a Sogama polo concello de Arbo, aos efectos oportunos.

Quinta.- Beneficios fiscais da Lei 49/2002

Dado que o Concello é una entidade beneficiaria do mecenazgo de conformidade co disposto no artigo 16 da Lei 49/2002 resultan de aplicación os incentivos fiscais previstos na mesma.

Así, o Concello comprométese a difundir a participación de SOGAMA como entidade colaboradora nas obras de execución da Rede de saneamento en Ponte Cabaleiros, sendo dichas obras de interese xeral, de conformidade co previsto no artigo 25 da mencionada Lei 49/2002.

Con este fin, SOGAMA autoriza ao Concello para a utilización do seu logotipo para os fines anteriormente mencionados, aparecendo en cantas publicacións e actos promocionáis realice o Concello en relación con ditas obras de mellora.

Así mesmo, o Concello comprométese a entregar a documentación xustificativa da publicidade da aportación de SOGAMA e a emitir una certificación co importe e a fecha da aportación efectuada, indicando o seu carácter irrevogable.

Sexta.- Modificación, denuncia e resolución do convenio

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

Así mesmo, serán causas de resolución do convenio as seguintes:

- a. As establecidas no artigo 51.2 da Lei 40/2015, de 1 de outubro de Réxime Xurídico do Sector Público
- b. A denuncia de calquera das súas partes, formulada cunha antelación mínima de tres meses.
- c. Por incumprimento de obrigas convencionais esenciais. Nestes supostos a entidade interesada en resolve-lo convenio porá en coñecemento da comisión de seguimento, vixilancia e control a existencia de dita causa de resolución e a súa intención de resolvelo. Unha vez realizada esta comunicación á presidencia da comisión, esta procederá a convoca-la, e deberá reunirse nun prazo máximo de quince días hábiles, co fin de emitir informe sobre a procedencia da resolución. Emitido o informe da comisión, a entidade interesada adoptará a resolución que proceda, contra o que caberá o exercicio das accións legalmente previstas no ordenamento xurídico.

Unha vez resolto o convenio este entrará en fase de liquidación que formulará a comisión de seguimento, vixilancia e control, e na que se incluírán os danos e perdas ocasionados polo incumprimento de obrigas convencionais, de se-lo caso. O acordo de liquidación será susceptible de revisión de conformidade coa lexislación vixente.

O pago das obrigas derivadas da dita liquidación poderá reclamárselle a entidade que se considere responsable e deberá ser aboada nos termos establecidos no artigo 52.2 da Lei 40/2015, de 1 de outubro de Réxime Xurídico do Sector Público. Contra o rexeitamento expreso ou tácito poderán interpoñerse os recursos e exercerse as accións contempladas no ordenamento vixente.

Sétima.- Relación Laboral

A subscrición do presente convenio non implica relación laboral, contractual ou de calquera tipo, entre os profesionais que desenvolvan as actividades e SOGAMA, de tal xeito que a esta non se lle poderá esixir responsabilidade algunha, nin directa nin subsidiaria, polos actos ou feitos ocorridos no desenvolvemento do mesmo.

Oitava.- Publicidade

A sinatura do presente convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de Transparencia e Bo Goberno (DOG nº 30 do 15 de febreiro) e o Decreto 126/2006, do 20 de xullo, polo que se regula o rexistro de convenios da Xunta de Galicia (DOG nº 149 do 3 de agosto).

Novena.- Protección de datos

De acordo co disposto na Lei Orgánica 3/2018, de 5 de decembro, de Protección de Datos Personais e garantía dos dereitos dixitais, as partes asinantes se informan da existencia de ficheiros automatizados de datos de carácter persoal creados por elas e baixo a súas responsabilidades, coa finalidade de realizar o mantemento e a xestión da relación convencional.

En todo caso, e da cordo co disposto na normativa aplicable, calquera das partes pode exercer os seus dereitos de acceso, rectificación, supresión, limitación, oposición e portabilidade en calquera momento, mediante escrito, acompañado de copia de documento oficial que o identifique dirixido as direccións das entidades asinantes.

Décima.- Protección de datos Natureza xurídica. Xurisdición competente

O presente convenio constitúe un negocio xurídico excluído do ámbito subxectivo da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ao concorrer as circunstancias establecidas polo artigo 6.2 de dita Lei. A súa natureza é a dun convenio de carácter administrativo de colaboración no marco do Plan de Xestión de Residuos Urbanos de Galicia, entre unha administración pública e unha sociedade mercantil pública encargada da xestión do dito plan. En consecuencia, correspóndelle aos órganos da xurisdición contencioso-administrativo a resolución das cuestións relativas á súa validez, interpretación, execución, efectos e extinción.



E, en proba de conformidade, asinan o presente dixitalmente.

POR SOGAMA

POLO CONCELLO DE ARBO

Javier Domínguez Lino

Horacio Gil Expósito